

յին զջուրն , այլ միշտ 'ի յերկիւղի՝ զի մի՛ չարիս ինչ գործեացեն , այլ չ'լինէր հնար՝ զի ընդ նոսա , սպրդեալ մտանէին 'ի ներքս արք անզգամք և սիկարեանք՝ և գործէին զչարիս , որպէս երբեմն 'ի պատճառս ջրոյ և այլոց սպանեալ էին զմանս 'ի միաբանաց : Տեսեալ Գրիգորի Պատրիարքի թէ օր քան զօր բազմանան չարիք նոցին , և ոչ իւրք եղև հնար վախճան տալ դառնութեանց նոցին , գորեալ ծանոց զիրսն 'ի Կոստանդինուպօլիս առ Յովհաննէս Պատրիարք , և նա ազգ արար 'ի Դուռն զանցս չարչարանաց միաբանաց , և յաւել ասել 'ի գիրս իւր՝ եթէ ոչ սանձահարեացին և պատուհասեցին ապստամբքն այնոքիկ , անհնարին է միաբանաց կալ մնալ 'ի նոյն վանս Ս . Փրկչի : Եւ ապա խնդրեաց զի հրովարտակաւ Արքայի խափանեցիւ աստամբութիւն այլազգեաց Սիոնի , և եթէ ընդվզեալ անաստեցեն հրամանի Կայսեր՝ ըմբռնեալ մատենեցեն 'ի բանտս եւ 'ի պատիժ պատուհասից : Եւ 'ի զգացուցանել զայս Արքայի , գրեցաւ հրովարտակ ըստ խնդրոյ Յովհաննու Պատրիարքի առ Կուսակալն Դամասկոսի եւ առ դատաւորն Երուսաղէմի , սանձահարել զըռնութիւն այլազգեացն այնոցիկ . 'ի հասանիլ այսր հրամանի՝ թէպէտ եւ մեղմացան առ ժամն խստութիւնք նոցին , այլ ոչ եղև այն երկարատեւ , \\\text{X} . (1727) :

Գ Լ Ո Ւ Խ Գ .

Ծաղկոտիկ . Բանակցութիւն Յունաց ընդ Հայոց 'ի վերայ այսր խնդրոյ և միաբանութիւն նոցին : Կամակ Խրիստանգոս Պատրիարքն Յունաց : Հրովարտակ Արքայի և ստիկան . Առանձին կատարել զոտն Պասեքին Երկուց ազգաց :

ՅԱՆՈՒՐՍ Գրիգորի Պատրիարքի պատահեցաւ դարձեալ այլայլութիւն Զատիկ՝ որ կոչի Ծաղկոտիկ , որպէս բազմիցս պատահեալ էր յառաջագոյն . զի 'ի սմին ամի՝ որ էր թուական Հայոց 1178 (1729) , պատեքն Յունաց անկանէր 'ի 6 Ապրիլ ամսոյ , յորում աւուր պատահէր Հայոց